



**Aningaasaqarnermut Nunamullu
Namminermt Naalakkersuisoq
/MAANI**

Ulloq: 4. februar 2014

I.nr.: 01.31.06/14-00654

Aningaasaqarnermut Akileraartarnermullu Ataatsimiititaliap pingasunngornermi ulloq 29. januar 2014-imi aalajangiineranik Naalakkersuisunut ilisimatitsineq

Nukissiorfiit 2014-imi innaallagissamut, imermut kiassarnermullu akigititassaasa akuerineqarnissaat pillugu. (Suliaq nr. 01.31.06/14-00654).

Naalakkersuisut **inassutegaataat**,

- ilanngussaq 5-imi AI 73.94.02 Nukissiorfiit, ilassutitut aningaasaliissutissanut qinnuteqaat missingersuutitut sunniuteqartussaangitsoq Aningaasaqarnermut Akileraartarnermullu Ataatsimiititaliap akuerissagaa.”

Aningaasaqarnermut Ataatsimiititaliap oqaaseqaatai

Oqaasertaliussaq nr. 2-mut naggasiutitut matuma kingulianiittut ilanngunneqassasut Naalakkersuisut siunnersuutigaat:

Kotomut pingaarnermut 73.94.02 Nukissiorfiit:

”Akinut akissarsianullu nalileeriaatsit tunngavigalugit atuisunut nalinginnaasunut innaallagissamut imermullu akit minnerpaaffissaannut annerpaaffissaannullu iluarsiinissamut Naalakkersuisut piginnaatinneqarput.”

Kotomut pingaarnermut 73.94.02 Nukissiorfiit nassuiaatit

Nr. 2.

Una oqaasertaliussamut nr. 2-mut ilaliunneqassaaq:

”Atuisunut akinik annertuumik qaffaanissap pinngitsoortinneqarnissaa, aammalu Nukissiorfinni pisariaqangitsumik akiliisinnaassutsimik annertusaanissap pinngitsoortinneqarnissaa siunertaralugu, akinut akissarsianullu nalileeriaatsit tunngavigalugit akinik iluarsiinissamut Naalakkersuisut piginnaatinneqarput.

Akit Nukissiorfinni aningaasartuutit ineriartornerat malillugu iluarsineqartussaaga-luarput, tamannali akit qaffasinnerusumik qaffannerinik kinguneqartussaavoq.

2014-ip ingerlanerani Naalakkersuisut akit minnerpaaffissaannik annerpaaffissaan-nillu iluarseeriaasissamik siunnersuusiorniarpud, tassanilu akit Nukissiorfinni anin-gaasartuutiviusut ineriartornerat malillugu ineriartortinneqarnissaat qulakkeerneqas-

saaq. Akeqartitseriaatsimik isumannaannerusumik akuersissuteqarnissaq siunertari-neqarpoq.”

(Nalunaarsuut: *Oqaasertaliussap kiisalu oqaasertaliussamut nassuiaatip matuma siulianiittut danskisuuanni oqaasilerinikkut kukkunerit arlallit malunnaatillit iluarsineqarput. Oqaasertaliussaq inatsisip oqaasertaraa, taamaattumillu sukumiisumik misissorneqartussaalluni.*)

Aningaasaqarnermut Ataatsimiititaliap apeqquai.

Ullumikkutut Nukissiorfiit innaallagissamik imermillu pilersuinermit aningaasartuutaasa ineriartornerat malillugu iluarsivigineqartarnerannut taarsiullugu akissarsiat akillu nalinginnaasumik ineriartornerat malillugu innaallagissap erngullu akiinut minnerpaaffiliussat annerpaaffiliussallu siunissami iluarsivigineqartalermissaat Naalakkersuisut Aningaasaqarnermut Ataatsimiititaliamit akuerineqassasoq qinnutigaat.

Qinnuteqaat Aningaasaqarnermut Ataatsimiititaliamit akuerineqassappat allassimasut malil-lugit Naalakkersuisunit isumaliutigineqarpoq innaallagissap erngullu akiisa minnerpaaffis-saasa annerpaaffissaasalu 1,5 %-imik iluarsivigineqarnissaannut taamatut tunngavissiineq atorineqassasoq. Tamatuma peqatigisaanik 2014-imi aningaasanut inatsimmi kontomut pin-garnermut 73.94.02-mut, Nukissorfinnut tunngasumut, oqaasertartaliussaq nr. 2-mi oqaati-gineqartutut naatsorsuutigisat naapertorlugit kiassarnermut akit 5 %-imik appartinneqas-sapput.

Isummernissamut tunngavissiaq arlalinnik apeqqutissaqalersitsivoq.

Apeqqut 1:

Aallarniutigalugu ataatsimiititaliamit ilimagineqarpoq akissarsianut akinullu iluarsiinermi naleqqersuut oqaasertaliussami taaneqartoq 2014-imi aningaasanut inatsimmi akinut akis-sarsianullu annertussuseritineqartumut naapertuuttoq, tamatumanilu pineqanngitsoq akinut iluarsii-sutissatut Naatsorsueqqissaartarfiup naatsorsugaasa ilaat. Oqaasertaliussamili taassu-munngalu nassuiaammi tamanna pillugu paasissutissiisoqanngilaq, tamannalu ersarissumik amigaataasutut isigineqartariaqarpoq.

Makku paasissutissiissutigineqarnissaat ataatsimiititaliamit kissaatigineqarpoq:

- a) inaallagissap erngullu akiinik iluarsiinissaq eqqarsaatigalugu akinik iluarsiinermik naleqqersuut sorlerpiaq atussallugu Naalakkersuisunit kissaatigineqarnersoq.
- b) Akinik iluarsiinermut naleqqersuut Naatsorsueqqissaartarfimmit atorineqartup ator-neqarnissaa kissaatigineqanngippat akinut naleqqersuut atorineqartoq qanoq ilusili-gaasimanersoq erseqqissumik nassuiaatigineqassasoq kissaatigineqarpoq.
- c) Qinnuteqaatip matuma akuersissutigineqarnerata kingorna oqaasertaliussami “titar-nerit arfermanni” suli allassimassaaq akigititassatut aalajangersakkat annerpaaffissaat ”Nukissiorfiit aningaasartuutigisartagaasa ineriartornerinut” naapertuuttumik iluarsii-vigineqassasut. Taamaattumik oqaasertaliussap oqaasertaanut allannguutissatut siun-nersuut imminut assortorpoq, tamannalu inatsisit tungaannit isigalugu naaper-tuutinngilluinnarpoq. Ajornartorsiut tamanna iluarsiniarlugu Naalakkersuisut qanoq periarfissaqarsoraat?

Apeqqut 2:

Nalinginnaasumik atuisunut innaallagissamut imermullu akigitat annertuumik qaffannis-saasa pinngitsoortinnissaa aammalu Nukissiorfiit 2014-imi akiliisinnaassusiannik anner-tusaanissap pinngitsoortinnissaa qinnuteqarnermi tunngaviusoq oqaatigineqarpoq.

Tassunga atatillugu kisitsisit 2014-imi akigitinneqartussatut siunnersuutigineqartut 2013-imi akit maanna atuuttut akornanni assigiinngissutsinik takutitsisut Naalakkersuisunit saqqummiunneqarput.

Ataatsimiititaliamulli pingaaruteqarpoq aalajangikkami kingunissaasa takusinnaanissaat. Assersuutigalugu qinnuteqaammi takuneqarsinnaanngilaq aningaasartuutit ineriartornerat aallaavigalugu iluarsiiisuteqartoqarpat akit minnerpaaffissaat annerpaaffissaallu qanoq inerineqarsimassagaluarnersut.

Assersuutigalugu qinnuteqaammi takuneqarsinnaanngilaq aningaasartuutit ineriartornerat aallaavigalugu iluarsiiisuteqartoqarpat akit qanoq qaffassimassagaluarnersut.

Assersuutigalugu qinnuteqaammi takuneqarsinnaanngilaq aningaasartuutit ineriartornerat aallaavigalugu iluarsiiisuteqartoqarpat Nukissiorfinni akiliisinnaassuseq qanoq annertusarneqassanersoq.

Tamanna tunngavigalugu takussutissiamik, iluarsiiisuteqariaaseq manna tikillugu atorneqartartoq atorneqarsimagaluarpat akigititat qanoq allannguuteqarsimassagaluarnernannik ersarisumik takutitsisumik, nassinneqarnissani ataatsimiititaliap kissaatigaa.

Apeqqut 3:

Naalakkersuisut qupperneq 4-mi allapput akit qaffannissaannut apparnissaannullu najukkani ataasiakkaani aningaasartuutit allannguuteqarneri pissutaasut. Najukkani aningaasartuutit kukkunersuukkat nutaanerpaat aningaasartuutit qaffaataannik iluarsisat aallaavigalugit akit iluarsiiisuteqarfigineqartarnerat eqqarsaatigigaanni akiliisinnaassuseq naapertuutinngitsumik qanoq annertusarneqarsinnaanersoq nassuiaatigeqqullugu Naalakkersuisut qinnuigineqarput.

Apeqqut 4:

2014-imi aningaasanut inatsimmi oqaasertaliussamut nassuiaammi allassimavoq kiassarnermut akit appartinneqarnerisigut ungasianit kiassarnermit tunisanit sinneqartoorutit annikillissasut, tamannalu innaallagissamut imermullu akigititat qaffasinnerpaaffiisa kiisalu aalisakkerivinni akigititat immikkut appasitsinneqartut aalajangiusimanissaannut peqataaqaataassasoq. Aammataaq oqaasertaliussamut nassuiaatini allassimavoq pilersuinermi aningaasaqarnikkut oqimaaqatigiissitsineq attatiinnarneqarsinnaaqqullugu kiassarnermut akit appartinneqarnerannut oqimaaqatigiissitsissutitut inaallagissamut imermullu akit appasinnerpaaffissaasa qaffanneqarnissaannut Naalakkersuisut piginnaatinneqartut. Tamanna ataatsimiititaliamit ima paasineqarpoq; kiassarnermut akinik appaaneq inaallagissamit imermillu isertitat amerlineqarnerisigut aningaasalersorneqassasoq.

Isummernissamut tunngavissiami allassimavoq akit allannguutaat atuisunut aalisakkerivinnullu aningaasaqarnikkut ima sipaaruteqarlutik sipaaruteqaataassasut:

Inaallagialaq: 14,8 mio. kr.

Imeq: 2,7 mio. kr.

Kiassarneq: 2,7 mio. kr.

Ataatsimiititaliali takujuminaatsippaa akinik appaanerit taakku qanoq imminnut oqimaaqatigiilersutut isigineqarsinnaanersut, soorlutaaq ataatsimiititaliamit takujuminaatsinneqartoq pilersuinermi aningaasaqarnikkut oqimaaqatigiinnermik tamanna qanoq attassiinnartitsinersoq.

Tamanna qanoq ataqatigiittutut paasineqassava?

Apeqquut 5:

Naalakkersuisut paasissutissiissutigaaat akeqartitseriaatsip saneqqunneqarnissaanut piginnaatitsissut taanna 2014-imi taamaallaat atuutissasoq, tamatumalu kingorna 2015-imi aningaasanut inatsimmut atatillugu iluarseeiaatsit Naalakkersuisunit allanngortinniarneqassasoq, taamaalilluni iluarsineq ”Nukissiorfinni aningaasartuutit ineriartornerpiaat tunngavigalu” pisinnaaqullugu. Ataatsimiititaliamit oqaatigineqartariaqarpoq akinik iluarssiisuteqarnertut isiginninneq allassimasoq eqqarsaatigilluagaanani saqqummiussaasoq. Tamanna tunngavigalugu makku paasissutissiissutigineqassasut ataatsimiititaliamit kissaatigineqarpoq:

- a) Tamanna ataatsimiititaliamit ima paasineqassava akeqartitseriaaseq maanna atuuttoq – assigiimmik akeqartitseriaatsimik iluarsaaqqinneq – aammalu taarsissuteqarnissamut ikaarsaariarnermullu aaqqissuussinerit atuuttut assigiinngitsut atorneqarunnaassasut?
- b) Tamanna ataatsimiititaliamit ima paasineqassava akit qaffasinnerpaaffissaattut appasinnerpaaffissaattullu politikikkut aalajangerneqartumik iluarsinerit aningaasaqarnikkut kingunerisaat siunissami immikkut ittumik aningaasalersorneqassasut?
- c) Tamanna ataatsimiititaliamit ima paasineqassava akiviusut siunissami kisimik atorneqassasut?
- d) Kiisalu akigititassatut aalajangersakkat annerpaaffissaat ”Nukissiorfiit aningaasartuutigisartagaasa ineriartornerinut” naapertuuttumik iluarssiivigineqartarnerannik periutsip 2014-imi aningaasanut inatsimmi atorneqartup aammalu ”aningaasartuutit ineriartornerpiaat tunngavigalu” iluarssiisuteqartarnissamik periutsip nutaap isumaliutigineqartup assigiinngissutaat suunersut ersarissumik paatsuugassaannngitsumillu nassuiaatigineqassasut kissaatigineqarpoq.

Apeqquut 6:

Kiisalu kommunit nunallu immikkoortuisa akornanni kiisalu isumaginninnikkut isertitatigut nalimmassaanissamik isumaliutigisat, isummernissamut tunngavissiamut matumunnga tunuliaqutaasut, erseqqinnerusumik nassuiaatigineqarnissaat ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Apeqqutitut siuliani allassimasunut tamakkiisumik akissummik Naalakkersuisut kingusinnerpaamik ulloq 20. februar 2014-imi nassiussinissaat **tunngavissaatillugu** Naalakkersuisut inassuteqaataat Aningaasaqarnermut Ataatsimiititaliamit **akuerineqarput**. Naalakkersuisut akissutaat kalaallisut danskisullu nassiuunneqassaaq assilineralu qarasaasiakkut uunga nassiuunneqarluni: sakkak@ina.gl.

Ataatsimiititaliap sinnerlugu

Jens Imanuelsen
Ataatsimiititaliap siulittaasua